



Future-proofing our children

Sitopa sa Makalelo se si Nyinyani

Toho ya Tuto

Davida ni Goliati

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto ye li “**Dauida ni Goliati**” ya banana ba banyinyani.

Pampili ye i mifa kabukuswani kamo muka lutela tuto ye.

Mukwa mo mu kona ku itukiseza ni kufa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSHS</p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye keta-lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



Mufe tuto ya Sikolo sa la Sunda sa mwa Malapa

Mukwa mo mu kona ku itukiseza ni kufa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Kezo
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso zeo li fumanaha ku ama Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Sikolo sa la Sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwan'a mina.
3. Mu be ba ba lukuluhile, ku batisisa litaba zeñwi kuama tuto ye.
4. Muongaongi ni muluti wa Sikolo sa la Sunda mwa kopano ya mina ba itukiselize ku mi tusa.

Tuto



Toho ya Tuto	Dauida ni Goliati
Timana	1 Samuele 17
Mutomo/butokwa bwa Tuto	Lu ituta ku li bao ba ba na ni tumelo ku Mulimu (ba lumela ni ku sepa Mulimu), ba ka lemuha tuso ya Hae. Mulimu u na ni luna, mi lu sike lwa saba.

Kusufazo ya Tuto:

- Mafilisita ba kopanya limpi za bona ku lwanisa Maisilaele. Ba yema fa lilundu le liñwi, Maisilaele ni bona ba yema fa lilundu le li libani nil ani; fahal'a bona ne ku fita nukana.
- Kih'a ku zwa lkandulwa mwa mpi ya Mafilisita, libizo la hae Goliati. Butelele bwa hae ne bu likana limita ze talu. N'a apezi kuwani ya sipi ya kopa kwa toho, mi siapalo sa hae sa ndwa ne si na ni bukiti bo bu likana 57 kg. Bukiti bwa lilumo la hae neli 7 kg. Mpi ya Maisilaele ya saba maswe.
- Dauida, ne li yena yo munyinyani kwa bana ba Jese, na li kwa hae, ku lisa mitapi ya lingu za ndat'ahe. N'a silelezanga lingu kwa libatana ze cwale ka litau ni libere. Bahulwani ba hae ba balalu ne ba li mwa mpi ya Maisilaele.
- Cwale nako yeñwi Jese a luma Dauida ku iseza bahulwani ba hae ni mulauli wa limpi lico. Dauida na swanela ku ziba kana bahulwani ba hae ne ba inzi hande.
- Dauida hanz'a ambola ni bahulwani ba hae, Goliati a shetumuka ni ku shubula Maisilaele hape. Ha ba mu bona ba saba.
- Ne li Dauida feela y'a n'a bile ni bundume ni tumelo ya ku talimana ni Goliati. A iswa ku mulena ni mulena a mufa liapalo za hae za ndwa, kono David a hana.
- Ka kafwililo ni macwe a keta-lizoho ao n'a ngile kwa nuka, Dauida a talimana ni Goliati y'o na apezi liapalo za ndwa. Dauida a li: "Ni taha ku wena ka libizo la Muñ'a Bupilo." Goliati a shubula mutangana wa mulisana.
- Pili Goliati a eza se siñwi, Dauida a mu posa licwe ka kafwililo ka hae mi a nata ikandulwa fa pata mwahal'a meeto. Goliati a wela fafasi. Sicaba sa tabiswa ki Dauida y'o na bulaile Goliati.



Kanti tuto ye italusa sikamañi ku luna kacenu?

- Davida n'a tuzi Goliati, kakuli na lumela ni ku sepa Mulimu. N'a si na boyi kakuli n'a ziba kuli Mulimu u ka mu tusa.
- Ni luna ha lu talimani ni lindwa za luna, lu swane sina Davida y ana sina boyi, Mulimu u na ni luna. Kamita lu lumela ni ku sepa Mulimu, U ka ku tusa.
- Mulimu u ka lu tusa kamita ku tula lindwa kamba butata bwa luna, haiba lu mu sepa.

Zeñwi za lipuzo zeo lu kona ku buza:

1. Ki ka libaka mañi Davida h'a na tuzi Goliati a sina silwaniso?
Kalabo: Sepo ni tumelo ya hae ku Mulimu ne i mu konisize ku tula. Tumelo ki silwaniso sa luna sa kwa mukunda.
2. Ki ka libaka mañi Davida h'a na sa sabi Goliati, ikandulwa?
Kalabo: Davida n'a sepile Mulimu mi n'a ziba kuli Mulimu u ka mu tusa.
3. Kanti Davida n'a lweziñi ku yo lwanisa Goliati?
Kalabo: N'a ngile kafwililo ni macwe a keta-lizoho.
4. Lu kona ku tula cwañi ndwa/butata mwa bupilo bwa luna?
Kalabo: Lu be ni tumelo ni ku lumele ni ku sepa Mulimu.

Litapelo za luna

Tapelo ya Bondate ni Boma ye fiwa pili tuto i si ka tateka kale:

Ndate ya mwa lihalimu, Na itumele ku Wena kwa lizazi le liñwi la lilato ni sishemo sa Hao. Na kupa u fuyole boma ni bondate, ni baeteleli ba luna, balikani ni mabasi a luna, Lu lapela kuli lu ku late ni kuli lu ka latelela bashemi ba luna. Lu fuyole kuli lu kone ku ba ni sishemo ni lilato mane ni ku ba ni likute ni musa ku be lu kopana ni bona

Lwa kupa u fuyole tuto ya Sikolo sa banana sa la Sunda ye, ni kuli nako kaufela lu hupule ku itumela ku Wena ka ku lu keta ku ba bana ba Hao. Lu bata ku inelela mwa tumelo ni ku latelela ku fitela u taha ku to lungela kwa hae. Lu kupa ze kaufela mwa libizo la Hao. Amen

Tapelo kasamulaho wa tuto:

Ndate ya mwa lihalimu, Lwa itumela kakuli u lu silelelize, ni ku lu lumelela kuli lu kone ku ba ni likande le linde la Bibebe. Lwa itumela kwa ku lu babalela ni ku lu sileleza kwa likozi. Na kupa u lu tuse ku ba ba latelela bashemi ba luna, ni ku ba ni sishemo ku be lu kopana ni bona. Na kupa u lu tuse kwa misebezi ya luna ya kwa sikolo. Fuyola Muapositola yo Muhulu, Baapositola ni baeteleli ba keleke kaufela, mi u ba sileleze mwa misipili ya bona, ili kuli ba lu lute zeñata za musebezi wa Hao. Na kupa u tuse bana ba Hao kaufela, sihulu ba ba kula, ni ba ba sina sa kuca ni malobalo. Taha kapili u lu ngele kwa hae. Lu kupa ze kaufela, isi kuli za lu swanela, kono mwa libizo la Jesu. Amen.